



Broj: 11-11-1265/22  
Vogošća, 22.08.2022. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i člana 71. i 125. Statuta Općine Vogošća ("Službene novine Kantona Sarajevo", broj 27/14 – Prečišćeni tekst, 14/15 i 9/20), Općinski načelnik dana 22.08.2022. godine donio je

**ODLUKU  
O IZBORU NAJPOVOLJNIJEG PONUĐAČA ZA IZVOĐENJE RADOVA NA SANACIJI  
KLIZIŠTA NA LOKALITETU RIJEKE LJUBINE, NA PODRUČJU OPĆINE VOGOŠĆA**

**Član 1.**

Ponuda ponuđača "GRAKOP" d.o.o. Kiseljak, ulica Gromiljak bb Kiseljak, odabrana je za izvođenje radova na sanaciji klizišta na lokalitetu rijeke Ljubine, na području općine Vogošća, kao prvoplasirana na Rang listi, sa ponuđenom ukupnom cijenom nabavke u iznosu od 185.646,89 KM bez uračunatog PDV-a, odnosno 217.206,86 KM sa uračunatim PDV-om.

**Član 2.**

Ova Odluka stupa na snagu danom donošenja, a objaviće se na web stranici Općine Vogošća, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**OBRAZLOŽENJE**

Općinski načelnik je dana 26.07.2022. godine donio Odluku o pokretanju Otvorenog postupka nabavke - Izvođenje radova na sanaciji klizišta na lokalitetu rijeke Ljubine, na području općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 26.07.2022. godine pod brojem: 1353-1-3-121-3-130/22. Sažetak Obavještenja o nabavci objavljen je u "Službenom glasniku BiH" broj: 50/22 od 29.07.2022. godine.

Tendersku dokumentaciju sa Portala javnih nabavki BiH je preuzelo 14 (četrnaest) ponuđača. Krajnji rok za dostavu ponuda bio je 15.08.2022. godine do 16:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 15.08.2022. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 11-11-1265/22 iz jula 2022. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 3 (tri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"GRADNJA 1" D.O.O. TEŠANJ	187.701,76	/	/	219.611,05
2	"MGBH" D.O.O. SARAJEVO	185.832,72	/	/	217.424,28
3	"GRAKOP" D.O.O. KISELJAK	186.845,93	/	/	218.609,73

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "GRADNJA 1" d.o.o. Tešanj ne ispunjava formalno-pravne uslove tražene Tenderskom dokumentacijom i to:

Tačkom 7.4.1 pod b) su tražene obrazovne i profesionalne kvalifikacije lica koja su angažovana na izvođenju konkretnih radova i to između ostalog 2 (dva) lica, SSS ili VŠS saobraćajne struke-III ili V stepen, smjer rukovalac građevinskim mašinama (KV ili VKV rukovaoci građevinskim mašinama). Kao dokaz TD je traženo da se dostave Diplome/Svjedočanstva o završenoj traženoj stručnoj spremi.

Ponuđač „GRADNJA 1“ d.o.o. Tešanj u svojoj ponudi na str. 62 do 64 dostavio je kao dokaz za jedno lice (Safet Mujić) – Diplomu, dok je za drugo lice -rukovaoca građevinskim mašinama str. 67 (Samir Mehić) dostavio Uvjerenje o stručnoj osposobljenosti izdato od strane „ESTA“ d.o.o. Busovača. Također je na str. 69 dostavljeno Uvjerenje o stručnoj osposobljenosti (Edib Kovačević) izdato od iste firme. Obzirom da TD kao dokaz tražena Diploma/Svjedočanstvo, a ne Uvjerenje o stručnoj osposobljenosti, time ponuđač „GRADNJA 1“ d.o.o. Tešanj nije dostavio dokaze u skladu sa zahtjevima TD.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) ponuda ponuđača „GRADNJA 1“ d.o.o. Tešanj je formalno-pravno neispravna i kao takva nije prihvatljiva za ugovorni organ.

Detaljnim postupkom pregleda i ocjene ponuda, Komisija za javne nabavke je utvrdila da Ponude ponuđača:

- "MGBH" d.o.o. Sarajevo i
- "GRAKOP" d.o.o. Kiseljak,

ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela formalno – pravno ispravnih Ponuda, te je izvršena računska provjera istih i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Tenderskom dokumentacijom-tačkom 9. 5. (Ispravka računskih grešaka i E-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 66/16) predviđen je postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke.

E-aukcija je bila zakazana za 22.08.2022. godine u 14.29 sati.

Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 22.08.2022. godine, Komisija za javne nabavke je sačinila sljedeću Rang listu u Otvorenom postupku nabavke - Izvođenje radova na sanaciji klizišta na lokalitetu rijeke Ljubine, na području općine Vogošća i sačinila, na području općine Vogošća, kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"GRAKOP" D.O.O. KISELJAK	185.646,89	217.206,86
2	"MGBH" D.O.O. SARAJEVO	185.832,72	217.424,28

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke jednoglasno daje preporuku Općinskom načelniku da donese Odluku o izboru najpovoljnijeg ponuđača "GRAKOP" d.o.o. Kiseljak, za izvođenje radova na sanaciji klizišta na lokalitetu rijeke Ljubine, na području općine Vogošća, kao prvoplasiranom na Rang listi, sa ponuđenom ukupnom cijenom nabavke u iznosu od 185.646,89 KM bez uračunatog PDV-a, odnosno 217.206,86 KM sa uračunatim PDV-om.

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu/kancelariji za razmatranje žalbi BiH – ul. Vukovarska 10/I Mostar, putem ugovornog organa.

Izradila: Mahira Čolić

Kontrolisala: Melisa Kršo

Dostavljeno:

1. "MGBH" d.o.o. Sarajevo
2. "GRAKOP" d.o.o. Kiseljak
3. „GRADNJA 1" d.o.o. Tešanj
4. Nadležnoj Službi
5. U dosije
6. a/a

033/763-110  
030/872-216  
demir-za@hotmail.com



OPĆINSKI NAČELNIK

Edin Smajić